


Ln
✓722

1999

ԺԱՄԱՆԱԿԱԻՈՐ
ՀՐԱՀԱՆԳ

ԹԵՄԱԿԱՆ ԺՈՂՈՎԻ



ՎԱՂԱՇԱՊԱՏ

Տպարան Մայր Աթոռոյ Ս. Էջմիածնի

1910



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՔՄՅՀՄԳՀ

Հ Բ ա մ ա ճ ա լ

Տ. Տ. ՄԱՏԹԷՈՍ Բ.

ՍՐԲԱԶՆԱԴՈՅՆ ԿԱԹՈՂԻԿՈՍԻ

ԱՄԵՆԱՅՆ ՀԱՅՈՑ.

4 722-60

28. 7. 22

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

0101

ԺԱՄԱՆԱԿԱԴՈՐ ՀՐԱՋԱՆԳ

ԹԵՄԱԿԱՆ ԺՈՂՈՎԻ.

Ա. ԿԱԶՄԸ ԵՒ ԸՆՏՐՈՒԹԻՒՆԸ.

1. Թեմական պատգամաւորական ժողովները կազմուում են թեմական պատգամաւորներէց՝ երկու-երկու պատգամաւոր թեմի կեդրոնական ծխական եկեղեցիներէ կողմից, մի-մի պատգամաւոր թեմի միւս քաղաքներէ ծխական եկեղեցիներէ կողմից և մի-մի պատգամաւոր թեմի գիւղական գործակալական շրջաններէց:

2. Թեմական պատգամաւորներն ընտրուում են չորս տարի ժամանակով: Հին պատգամաւորներէ լիազօրութիւնը շարունակուում է մինչև նոր պատգամաւորներէ ընտրութիւնը և պաշտօնի ձեռնարկելը:

3. Թեմական պատգամաւորներէ լիազօրութեան քառամեայ ժամանակամիջոցը լրանալուց երեք ամիս առաջ թեմի առաջնորդն իբրև նախագահ թեմական խորհուրդի, սրա համախորհուրդ որոշմամբ շրջաբերական է ուղարկում թեմի բոլոր գործակալներին, կարգադրելով ծխական և գործակալական ժողովներ հրաւիրել, պա-

տուիրակներ (յօդ. 6) և թեմական պատգամաւորներ (յօդ. 5, 6) ընտրելու համար: Շրջաբերականում նշանակուելու է գործակալական և թեմական պատգամաւորական ժողովների գումարման տեղն ու ժամանակը:

4. Թեմական պատգամաւորների ընտրութեանն իբրև ընտրող և ընտրելի մասնակցելու, այլ և թեմական կառավարութեան շրջանում պաշտօններ ստանձնելու իրաւունք ունին նոյն թեմի բոլոր իրաւասու թեմականները, այսինքն թեմի որ և է ծխական եկեղեցում առնուազն երկու տարի իբրև ծխական արձանագրուած, 25 տարին լրացրած բոլոր արու անձերը, բացի նրանցից որոնք՝ ա) հոգևոր իշխանութեան օրինական դատաստանով զրկուած են այդ իրաւունքից, բ) Պետութեան օրէնքների զօրութեամբ և դատաստանով քրէական յանցանքների համար բոլորովին կամ մասամբ զրկուած են իրաւունքներից:

5. Թեմի քաղաքների ծխական եկեղեցիները թեմական պատգամաւոր ընտրում են իւրաքանչիւրն իւր ծխական ժողովով:

6. Թեմի գիւղական ծխական եկեղեցիները թեմական պատգամաւոր ընտրում են իրենց պատուիրակների միջոցով՝ գործակալական ժողովով (յօդ. 7, 9):

7. Գործակալական ժողովները կազմուած են իրենց շրջանի ծխական եկեղեցիների ընտ-

րած պատուիրակներից: (Իւրաքանչիւր ծխական եկեղեցի ուղարկում է առնուազն մի պատուիրակ, իսկ բազմածուխ համայնքներն իրենց իւրաքանչիւր 100 տան համար մի-մի պատուիրակ են ուղարկում (վերջին հարիւրը կարող է լրիւ չլինել, բայց 51-ից ոչ պակաս): Պատուիրակներին ընտրում են ծխական ժողովները:

Ծանօթութիւն. պատուիրակներ ընտրելիս գիւղական ծխական ժողովները պէտք է նաև անձնավորութիւններ ընտրեն նոյն քառամեակի համար:

8. Պատուիրակներն ընտրուած են չորս տարի ժամանակով: Հին պատուիրակների լիազօրութիւնը շարունակուած է մինչև նոր պատուիրակների ընտրուելը և պաշտօնի ձեռնարկելը:

9. Գործակալական ժողովի գումարման տեղն ու ժամանակը (որ կիրակի օր պիտի լինի) որոշում է թեմական խորհուրդը (3-րդ յօդ.) և գործակալների միջոցով առնուազն երկու ամիս առաջ հաղորդում է այդ իւրաքանչիւր շրջանի բոլոր գիւղական ծխական եկեղեցիներին, հրաւիրելով ծխական ժողով կազմելու և հարկաւոր թուով (յօդ. 7) պատուիրակ ընտրելու՝ գործակալական ժողովին մասնակից լինելու և այնտեղ թեմական պատգամաւոր ընտրելու համար: Պատուիրակները պարտաւոր են հաւաքուել որոշուած օրն ու տեղը: Գործակալական ժողովը կանոնաւոր է համարուած, որչափ

էլ լինի հաւաքուած պատուիրակների թիւը: Գործակալը ստուգում է ներկայ գտնուող պատուիրակների լիազօրութեան վկայականները (յօդ. 13) և ձեռնարկում է ատենապետի և քարտուղարի ընտրութեանը, որից յետոյ պարտաւոր է ներկայ գտնուել իբրեւ նախագահ և սրաշտօնական ներկայացուցիչ ծխական հոգեւոր իշխանութեան և նիստի վերջը ստորագրել ժողովի արձանագրութեան տակ, վկայելով, որ ժողովն իրօք տեղի է ունեցել արձանագրուածի և սոյն կանոնների համեմատ:

10. Թէ ծխական և թէ գործակալական ժողովների այս ընտրութիւնները կատարւում են ներկայ եղող ժողովականների ձայների կլիսից աւելիով: Եթէ առաջին անգամ ձայների այսպիսի թիւ չհաւաքուի ոչ մի թեկնածուի համար, անմիջապէս երկրորդ անգամ ընտրութիւն է կատարւում, և ընտրուած է համարւում ամենաշատ քուէ ստացող թեկնածուն, որքան էլ որ լինի նրա ստացած ձայների թիւը:

11. Ժողովները կարող են պատուիրակ և պատգամաւոր ընտրել թէ իրենց միջից և թէ առհասարակ նոյն թեմի իրաւասու թեմականներէց:

12. Պատուիրակների և պատգամաւորների ընտրութեան ծխական և գործակալական ժողովների արձանագրութիւնները և զրանց վերաբերեալ բողոքները ուղարկւում են թեմական Առաջնորդին իբրեւ նախագահի (յօդ. 3.) թեմա-

կան խորհրդի: Թեմական խորհուրդը հաւաքելով և ստուգելով հարկաւոր տեղեկութիւնները, իւր կարծիքի հետ միասին ղեկուցանում է թեմական պատգամաւորական ժողովին ի վերջնական անօրէնութիւն:

13. Իւրաքանչիւր պատուիրակ և պատգամաւոր պէտք է ունենայ իրեն ընտրող ժողովի նախագահից և քարտուղարից վաւերացուած մի վկայական իւր լիազօրութիւնը հաստատող: Առանց այդպիսի վկայականի նա չէ կարող օգտուել իւր լիազօրութիւնից:

14. Նախքան քառամեակի լրանալը, եթէ որ և է պատգամաւոր մեռնի, հրաժարուի կամ որ և է պատճառով պատգամաւորութիւնից հեռանայ, քաղաքներում համապատասխան ծխական եկեղեցին նոր պատգամաւոր է ընտրում, իսկ գործակալութիւններում հրաւիրւում է պատգամաւորին փոխարինելու նրա անձնափոխանորդը (յօդ. 9), իսկ սրա որեւիցէ պատճառով չլինելու կամ հեռանալու դէպքում՝ գործակալութեան պատուիրակների ժողով է հրաւիրւում նոր պատգամաւոր և անձնափոխանորդ ընտրելու համար:

Այս լրացուցիչ ընտրութեան պատճառով թեմական ժողովի նիստերը չեն յետաձգւում:

Այս լրացուցիչ ընտրութեամբ պատգամաւորները լիազօրութիւն են ստանում միայն նոյն քառամեակի ժամանակաշրջանում:

15. Թեմական ժողովի պատգամաւորական

կազմի թէ ամբողջական և թէ մասնակի ընտրութիւնները թեմ. Առաջնորդը իւրաքանչիւր անգամ յատուկ տեղեկագրով զեկուցանում է Ամենայն Հայոց Վեհափառ Կաթողիկոսին, որ Հայրապետական Կոնդակով օրհնում է:

16. Պատուիրակներ և պատգամաւոր ընտրելիս ծխական ժողովները ղեկավարւում են «Ծխական կանոնադրութեամբ»:

Բ. ՊԱՐՏՔ ԵՒ ԻՐԱՅՈՒՆՔ.

17. Թեմական ժողովը գումարւում է ամեն տարի մէկ անգամ թեմական Առաջնորդի հրաւերով: Գումարման ժամանակն որոշում է թեմական Խորհուրդը: Առաջնորդը նախապէս յայտնում է Ամենայն Հայոց Վեհափառ Կաթողիկոսին թեմական ժողովի գումարման ժամանակը և օրակարգը և ապա առնուազն մէկ ամիս առաջ տեղեկացնում է պատգամաւորներին յատուկ տպագրած հրաւիրագրով, որի մէջ նշանակուած պիտի լինի ժողովի օրակարգը:

18. Նշանակուած օրը կէսօրին թեմ. Առաջնորդը բաց է անում թեմական ժողովի նստաշրջանը և առաջարկում է ընտրել ժողովի ատենապետ և քարտուղար:

19. Թեմական ժողովի նախագահն է թեմական Առաջնորդը, իսկ ժողովի նիստերը կառավարւում է առանձին Ատենապետ, որին ժողովն ընտրում է նոյն նստաշրջանի համար: Նախագահը՝ իբրև

թեմի Առաջնորդ և պատասխանատու՝ պարտաւոր է յիշեցնել օրակարգը և թոյլ չտալ շեղումներ:

20. Թեմական Խորհրդի և թեմական դպրանոցի Հոգաբարձութեան ներկայացուցիչները, թեմական դպրանոցի տեսուչը և թեմական տեսուչները ներկայ են լինում թեմ. ժողովի՝ իրենց գործունէութեան շրջանին վերաբերող զործերին նուիրւած նիստերին՝ հարկաւոր տեղեկութիւններ տալու համար:

21. Թեմական ժողովը ա) Ընտրում է՝ թեմի համար Առաջնորդ (եթէ տեղը թափուր է) 22-րդ յօդուածում որոշուած եղանակով: Ընտրում է և թեմական Խորհրդի անդամներ, թեմական դպրանոցի հոգաբարձուներ, թեմական վերաստուգող յանձնաժողովի անդամներ, այլ և դրանց փոխանդամներ:

բ) Մշակում է թեմական դպրանոցների, եկեղեցական—ծխական դպրոցների, ծխական եկեղեցիների և թեմի մէջ դանուած վանքերի կալուածների շահագործման եղանակը (նախագծեր) և յատուկ տեղեկագրով ներկայացնում է Ամենայն Հայոց Վեհափառ Կաթողիկոսին ի անօրէնութիւն:

գ) Քննում և հաստատում է թեմական Խորհրդի և թեմական դպրանոցի հոգաբարձութեան հաշիւները, տեղեկագրերն ու ղեկուցումները:

դ) Քննում է թեմական Խորհրդի նախահա-

շիւր (օրինակ թեմական տեսուչներ պահելու ծախսը և նմաններ) և ներկայացնում է Ամենայն Հայոց Վեհափառ Կաթողիկոսին ի հաստատութիւն:

ե) Քննում է թեմական Առաջնորդի, թեմական Խորհրդի և թեմական Դպրանոցի հոգաբարձութեան գէմ ծագած ծանր բողոքները և ներկայացնում է իւր ղեկուցադրով ու արձանագրութիւններով Ամենայն Հայոց Վեհափառ Կաթողիկոսին ի անօրէնութիւն:

22. Թեմական Առաջնորդի ընտրութիւնը կատարւում է թեմական պատգամաւորների ընդհանուր թուի $\frac{2}{3}$ -ի ներկայութեամբ և ձայների բացարձակ մեծամասնութեամբ: Թեմական Առաջնորդ ընտրելիս թեմ. ժողովը նախ առնուազն չորս ընտրելիների ցանկ է կազմում և հաղորդում Ամենայն Հայոց Վեհափառ Կաթողիկոսին: Ապա երկու թեկնածուի ընտրութիւն է անում միմիայն նրանց միջից, որոնց անունները չեն ջնջուած Վեհ. Կաթողիկոսի կողմից: Ընտրութեան արձանագրութիւնը, ներկայ եղող պատգամաւորների մեծամասնութեան կողմից ստորագրուած, թեմ. ժողովը ներկայացնում է Ամենայն Հայոց Վեհափառ Կաթողիկոսին օրինական ընթացք տալու համար:

23. Թեմական ժողովի որոշումները լինում են ներկայ եղող պատգամաւորների ձայների բացարձակ մեծամասնութեամբ: Ժողովի արձանագրութիւնները վաւերական են, երբ ստորա-

գրուած են ներկայ եղող պատգամաւորների մեծամասնութեան կողմից:

24. Թեմական ժողովը իւր արձանագրութիւններն ու ղեկուցադիրն ներկայացնում է Ամենայն Հայոց Վեհափառ Կաթողիկոսին Առաջնորդի կամ նրա պաշտօնակատարի միջոցով: Առաջնորդը պարտաւոր է թեմական ժողովի այդ թղթերը յընթացք մի եօթնեկի ուղարկել Վեհափառ Կաթողիկոսին, տեղեկացնելով այդ մասին թեմական ժողովի Ատենապետին:

ՀՀ Ազգային գրադարան



NL0243374

